

紫峴山人全集

紫峴山人詩集卷四

湘潭張九鉞度西著

姪孫家棧重刊

豫章初集

乾隆丙寅

時自都門歸江西彭青原方伯迎先生至南昌館蕉陰青翰室撰歷代詩話茗華雜記將歸與樸山宮諭視學肇高以書招未行宮諭丁內艱相遇滕王閣下著豫章初集凡一年詩丁卯以後四年闕

西山放鹿歌胡牧亭汪輦雲楊子載蔣六長同賦

獨角蒼鹿如騎龍踏翻南浦千夫從  
瑟珠璣耀曉日萬金寶轡  
花鞍紅其餘數百各錦繡雲霞鬬綺章  
門東天完逆將漁家子洪  
州吞噬游觀侈身同衝突性同驕  
西山羅致看騰倚扶南乳酪飼  
猶勤周穆黎陽駕將擬明兵疾捲  
長江上百萬貔貅思與抗江豚  
嘯火煮鄱湖貫顙一矢天狼喪  
挺而走險急何能荆棘遊頃刻  
狀滕王閣上來高皇閣前搥碎鏤金牀  
漢鹿有歸誰再逐祥徵五

色先騰光特命儒臣開鹿園長林豐草隨徜徉歲月遷流史失載  
蕉牕一記深心在逍遙封狗鶴乘軒內作禽荒俄覆敗此事雖關  
仁暴徵興亡亦足千秋戒當時侍讌皆文儒不知作頌紀功無如  
今江城搜古蹟咏歌只合歸吾徒歌殘快擊青珊瑚西山飛翠來  
庭隅

金花潭歌

宋隆祐大  
后祀風處

建康鼙鼓沿江吼鳳舳倉皇日南走落星不溺荷天存豈入俘囚  
隨北狩金花急拔投深淵可憐憔悴孟家蟬分風神女起憤怒洪  
濤飛打追兵船江靈護衛離虎口惶恐灘高亦何有偏安王業中  
興年介福依然受王母錦帆彩艫迎東歸獨尊隆祐新萱闥驚魂  
未定潭邊過清淚猶霑龍衮衣漁莊蝦蟹荒殘照瑤華舊事堪憑  
弔宋室宮闈多播遷死生榮辱誰能料君不見降表僉名謝道清

又不見匡山全節慈元廟

哀太倉龔生肩吾一首

余有傳家枕注傳今無存

乾坤無處置狂才只合抽身走夜臺  
筆落鬼神終避燄哭殘山水爲留哀  
塞高雞鹿彎弓出梁湧龜鼃草檄來  
大府機謀誰倚仗一

樽空自酌蒼苔

善哭生一生

名場不屑拔螯弧經史填胷得氣麤  
一卷丹黃樊紹述

手書樊宗師集兼爲

注平生名字庾肩吾

慕庾肩吾名字皆以之

曾傾美醞看余飲不道雄譚失

子孤撲棗蕢裘歌散盡章江風雨夜模糊

有和天池生四聲猿內貫鸛鵒裘隣婦撲棗二

曲韻多至十餘闕材氣雄博

有虎行

建昌山中有虎攫孤兒不食余聞而義之作有虎行

孤兒入山斧薪作糜有虎不知突銜其衣眾棄孤兒以饑之孤兒

言我肉汝食焉敢辭有母昨日未食今日尙飢孤兒啼虎亦啼虎  
亦有母子虎亦有夫妻食之不義安忍爲山風蕭蕭樹鳴其枝虎  
送孤兒恐傷其肌母倚閭號見兒歸駭且癡兒言虎德我母作佞  
鬼疑兒出虎口入母懷虎尾帖帖婆娑而歸眾言施長鎗毒矢兒  
搖手望之啼且咨彼哉一擊獸迺能義且慈

游百花洲

長堤柳色引春雲遂館桃花罨彩氛島出湖中天斷續山羅城上  
樹平分橫橋石翠添魚影散浦荷錢點鷺羣行省太平公識地不  
須還問水犀軍

謁王陽明先生祠

東南半壁掃長鯨決勝成謀迅不驚了却掀天新事業依然講學  
老書生江山俯仰留雲氣壇坫虛無結遠情

祠卽十二先生讀書處

性命高

談無補者請看道德出勳名

和楊子載銅鼓歌卽書其先人招討公殉節家傳後

天全招討之從孫酒酣擊劍章江門手持先傳歌銅鼓歌聲晝裂  
牛斗昏西爐茲鼓二千載韶陽中徒絕不聞鼙鼓叢茫茫不可望使  
君回首傷心魂武侯昔征越雋過天全礪樓百里銅鼓連番栖爲  
桴鬼繫血鬱以平羌之水聲淵淵大者無當如鐘欬蹄健輦易千  
牛疲三十六乳相錯綴黃白下覆雲離離次者亦可牛八百黃金  
缺滅包瓜皮耳環猊跌植繡杖花蛤對戲雙人騎又有一鼓如坐  
墩文團八卦獸啣枝古來深意存制作魔獠傳徼遠束縛地中將  
軍鳴一聲九溪六詔皆禮樂前明之季言官雄廟堂伐鼓相訾攻  
封疆事壞苞枿出前有應龍後獻忠是時招討痛一哭椎牛祭鼓  
驚南蒙成都朱生閬州鄭各拊一鼓爭突衝四十八男黃頭毛綜

岡短刃歟賊胷手提其頭擲賊手賊不敢受還駭走夫人亦騎寶  
馬出怒搆鎗于發天吼大呼陷陣黃虎嗾孕墮馬折立罵狗樓船  
無援漢旗靡骨作青衣江中水鼓破國亡家亦失蠻袍破碎卧荆  
杞嗚乎銅鼓何年亦飄零猗風颭雨悲冥冥曾聞移洞虎夜攬此  
鼓寧獨無精靈祁山渭水一腔血地老天荒各蕭瑟鯨鼉不復返  
故墟土花歲歲指西碧南海神人們赤纓魑結彘官罷吹篳何須  
庾信賦江南空學客兒述祖德忠臣有後古如此子其放眼歌且  
止西壩落日洪都紫鼓兮哀樂交相倚當繫羌王之頸致塵幢或  
草諭蜀之文走邊鄙使此鼓光星斗熊熊起捧卷作歌望吾子

題胡牧亭遠游圖

繪青衫紅  
笠肩負米

濃川才人落落身何依獨抱孤心千載將焉歸白日兩袖攜雷雨  
飄然直下黃鵠磯去年同弄西山之白雪雪坼山皴片帆裂酒酣

贈我長短歌雲夢西江語奇崛

若贈余有吸西江之口吞雲夢之胸句

今年圖中見

神彩巖彩大笠常自在掉頭不顧世人嫌惟我知君非迂亦非駭  
洞庭彭蠡波濤通清晝晦冥生蛟龍中有萬里之長風崩崖倒石  
日光濛行人奔走無西東天儲君才待君用況復春暉照心動江  
湖辛苦招華髮霜雪馳驅厲魂夢以此茫茫作文字河山鬱律皆  
奇思始知束皙補南陔未放空靈吐真氣肩頭粒粒皆心血慈母  
聞之亦神結男兒報親恃筆楮珍重蒼涼此筋骨蕭然一物不到  
雙眼底上有長江無際之青天下有微波不動之明月天之待雕  
鶚不如待燕雀燕雀啁啾處畫堂雕鶚摩空失栖託大環遶廊兩  
曜光明胡爲乎少此一區使斯人拖紫紆青而不得又不能蕩雲  
捉月翺嬉于江湖嗚呼我欲扣天一長呼呼天不語且來看此遠  
游圖



題樸舍子松石小照

樸舍子姓謝字夏六毘陵明經

神仙不可爲遊戲偶在茲四顧何茫茫天風吹松枝石氣爲衣裳  
太古色淋漓上有碧玉芝可以療君飢騰身泥塗中下視浮雲馳  
黃靈一不來去住將焉之但存鴻濛意卽與偓佺期

蓼蟲避葵霍爰居畏鐘鼓安知曠士懷蕭然絕儔侶空山悄無人  
斜日鴉啄土長劍倚古今青天貫龍虎我有一粒丹使子生毛羽  
姱修作珮珩貞諒爲幣組人生苟璞含虛無得歸所嗟彼郭宏農  
遊仙詠奚補

由進賢至東鄉往返得詩七章

遙山黛無際飄渺忽聞蟬野沼漸多處西風開白蓮香知禾吐穗  
聲受水鳴田野趣今方得逍遙別一天

受一作愛

羅溪山勢轉淩瀆卽成湖一徑入空濶長橋分畫圖人家皆釣舍  
天水接菰蒲好覓魚蝦饌村醪澹亦酤

黑雨阻村店輪泥尺可爭昇輿衝野水燈火入山城丹磴穿雲上

蕭齋聽竹清不經行路苦誰識故人情同鄉進賢向明府以輿迎入署

軒窗三面俯雨色萬峯迷亂水沒沙鳥空城聞竹雞春明譚往事

竟日快新題鐘鼓壇山晚同傾酒百榼署中西齋一聽俯視城中看雨最勝

藉甚潘懷縣栖栖已十年老添文警策貧得更神仙山蕉遲官馬

園蔬避市錢荒城如斗大容易種花妍吾邑潘晴阜宰東鄉款留十日

深竹不知寺但聞泉響幽橋通入山路溪卧釣魚舟迎客龐眉老

垂蘿翠壁秋軍持吾已辦稍爲芥茶畱東鄉城外五里許修竹中寺藏焉內有鳴泉澹澹壁

上鐫留客聽

山泉五字

羅溪一片水不厭客重來白鳥如行色孤雲在酒杯天平波去杳

山迴日飛回嘆息勞生事巾車晚更催

建昌蕭生以自釀麻姑泉酒至二首

麻姑酒色浸晴霞子在霞中何處家  
抱得玉瓶親汲至不知曾否見丹砂

休思壁脯學遊仙且借香膏潤渴涎  
若向神功泉上問桃花流過幾千年

題彭景之所藏南華老人嶽麓六朝雙松小圖

南華老人畫絕倫品兼神逸隨天真  
爲君作雙幹扶寸力千鈞空中蕭澹祇數點  
蟠拏哭兀無前人君從何時上雲麓  
打鐘掃地隨僧宿夢中只藉松根眠  
乞縮茲圖貯行簏江城六月爲余懸  
颯然涼意生虛屋忽如飛入杳冥一  
縷之清湘風吹陣雲一千里坐見七  
十二峯枝葉森羅張天星隱現翼軫  
宿洪蒙夜氣開離光洞庭

洶湧倒洗壁蒼虬朱鳥紛翺翔微聞濤聲不知處六朝髣髴紅雨  
香中原無松但多柏君出茲圖恐不識草木有情閱世代筆墨精  
靈當愛惜雙松之下曾讀書煮茶洗硯泉縈紆禪關一別三十載  
山花山鳥非友于頗聞寺僧鬻樹盡殿宇彫削碑模糊吁嗟此松  
還有無使我嘆息看此圖使我嘆息看此圖

少陵蘇麓寺詩山  
鳥山花吾友于

贈武甯汪蟄雲二首

詩客今汪軼清高似孟韋騷人蘭作佩神女翠爲衣天意妨孤劍  
人情笑落暉明珠堆滿篋不療十年飢

雲開八公大帆下二姑遲述子栖遲處曾余過眺時姓名奴隸棄  
學術友朋疑祇共傾樽酒淋漓讀楚辭

蟄雲自定遠  
凌觀察署至

蕉陰青翰室題休甯凌生所藏白描羣佛渡海圖

畫極奇詭工細無姓名印章不知何人作

天風撼牕海飛入，習習狂濤堆壁濕。章江不動月橫空，青翰舟搖  
萬蕉葉。凌生展此八尺絹，拂軸銀光駭撩亂。云茲羣佛渡海圖，破  
碎滄溟割霄漢。中一人兮美且頎，蜚襪繡襪駕巨龜。或騎虎背坐  
如尸，驅之翔戲人天師。文鯨追鼉鼉不動，一角森玉光嶷嶷。亦有  
大鶴尾綏綏，低眉賤目嬌共騎。金剛羅漢是耶非，刀鞭劍戟旋繞  
之。各跨驚獸名不知，海王執笏飄素髮。天女擁節迎芝旗，海童海  
鬼跪捧獻。似是龍王蛟珠璣，元冥攫紙混沌鑿。印篆不施姓名削，  
廣大交還真宰心。荒唐厭受威儀縛，李龍眼與盧楞伽紛紛真。疊  
譏彈加文彭吳，寬辨是否虎頭金粟空。咨嗟茲手掃除禪，月法山  
經海志恣騰踏。地軸轉移鬼膽驚，想像空靈無問答。凌生乘蹻絕  
往人，獲自舊賈藏爲珍。裝以玉躡展以裯，好奇好古不好名。亦同  
作者戒貪嗔，我今摩挲恟恍久茫茫。天沼胸何有，長明燈前一懺。

除江城月落山銜斗

觀演虎口餘生雜劇時任邱邊文學在坐出其曾伯祖太  
原太守所撰虎口餘生記原本兼述逸事余與胡牧亭  
各賦一章

妖蛇生角昨日飛中原跳出皇來兒由來山川鍾戾氣深叢怪穴  
爲憑依誰搜黑碗崎嶇得憤撲長明鐵燈熄函其顱骨腊其蛇三  
十餘骸快誅磔王師一擊天狼靡勝國山河洗厥恥縱使兇境  
未鏟夷當徑豈容白帝子大梁貫目羅公鋤米脂明府論功無當  
時虎口若教啞千秋豈不成雄圖金陵織部梨園曲拍案撫髀觀  
者續裔孫手出一編看亂後餘生悉顛末暗襲忠臣知共誰姓名  
未入軍門贖君不見門前執手白頭僧雨黑風黃聞痛哭文學言  
時最出力者米脂隸賈某後二十年太守家若有老僧詣門求見  
執手痛哭曰主與吾非崇禎陷裏忠臣乎予以金不受而去不知

終所

宋武帝廟二首

廟在新淦縣東四十里又名禿皇后廟傳此地有禿女  
後母虐之令牧豕陂中陂產藕女以藕絲織履露鵲銜  
墜宋武帝殿下帝異之訪得禿女立爲后見臨江府志  
或云唐光化中邑人劉輝以羅公坑形勢之勝荆爲廟  
設宋武帝像與禿女并祀遂稱宋武帝廟王漁洋古夫  
于亭雜錄亦載谷音下卷有臨江楊雲宋武帝詩按史  
止載宋武帝立皇后臧氏又封妃張夫人禿女事似不  
經傳疑可也過此紀以詩

尙樂山前禿女祠西風斜日捲靈旗不知伐荻稱王者故劍翻尋  
牧豕陂

螭璽雲車事杳然宮人猶執玉連蜷藕絲雙履能來否靈鵲飛  
破夕煙

題彭正之石翠山房圖

石翠山房渺何許飛落宮亭之南贛江浦主人攜入襟袖間朝望  
煙霞暮風雨茅屋三楹薇省左小竹疏花堆磊砢山房但有卽讀  
書額以家園無不可昔來常宿因樹軒摩挲萬卷同討論文章意  
氣密相結坡由笑語親弟昆今年小池添鳳尾晚涼禽語差堪喜  
昨宵袒裼坐花茵抵掌縱橫快譚史鬪奇說虎更說鬼石翠嵯峨  
欲騰起巨觥笑沃神功泉卧看初三新月子蕭生爲君作此圖精  
神炯炯雄氣俱長松流水忽點綴筠簾畫檻交紫紆青鞋白袷欲  
何往有僮背負雙葫蘆不知聽鸚舍有此蕭疎無君言歸展紅亭  
墅光景未必遜洪都中原野色平似几只餘一事應輸此此間開



戶對西山千崕萬壑斜陽裏白雲年年飛不盡墮落墨池作香水  
我欲呼洪崖翁割取蕭史峯頭翠一段置之素書古香之楹東那  
須繡襦與甲帳軒開寫韻青濛濛不然收之入行囊翩然戲弄足  
以跨白鶴而凌飛鴻他時有緣一相訪畫君與我垂釣綠陰中

居聽聯舍素書古香  
屋皆君家園讀書處

興樸山先生視學肇高以書見招至豫章聞奔太夫人喪  
歸都相遇滕王閣下二首

閣下淒涼一繫船麻衣如雪哭江天板輿未奉愁炎嶠

太夫人以嶺南炎嶠

不肯隨之任

冰蘖無貲買暮田

國史將登彤管詠門生應廢蓼莪篇

迴思萱閣稱觴日萊彩相隨已四年

先生前集  
國史

隔春曾荷手書招絳帳追隨入夢遙大海珊瑚歸鐵網崧臺石室  
挂詩瓢豈期丙舍銜哀返共把江燈帶淚挑津鼓又催明日別浮

生知已歎蕭條

九日同人劇飲高觀樓收亭將歸漢余亦將歸湘

昔年來登高觀樓波濤落渚嵐氣收今年高樓涼雨後楚客悲秋  
又重九紅亭主人真吾曹連襲擊至濃蒲萄萬碩柑堆金鵲殼溢  
城蟹溢含黃膏青天獨占江湖首瞑踏盤鵬風颭颭新霜半洗碧  
欄干白雲猶宿簷端厚惜別將分神女風放歌且拍洪崖手滕王  
閣讌傳子安風流歇絕南州寒斗牛灝氣自萬古何人掣入甯懷  
間諸君才華不相讓况茲傑構開心顏西魚東水本無定但勿辜  
負雄江山狂生醉眠枕月落明日樓前理篷索

相石歌

客有自永豐來者述相石遺跡文信國募兵江西諸郡  
邑以圖恢復元兵急尾之行至一谷口信國倉皇遁入

追兵將及之有大石從峯巔猗然而下塞滿谷口追者  
驚怖去遂脫於難從人呼石曰相石立祠祀之通志亦  
載其事余壯之約同人作相石歌

宋祚如絲繫丞相敗衄奔亡威益壯廬陵忠義士如山各傾肝膽  
不相讓敵兵薄險蹴谷口一組繫之將入手鬼神奮怒幻精靈大  
石驅之爲奔走猗然一打千夫驚電光雷火交環生大行九嶷塞  
頃刻震若昆陽屋瓦聲入坎出坎爭一息赤腔熱血鬱何極石兮  
無語報君國山川化盡成奇魄遺祠翠壁蟠幽壑過者思之尙淚  
流何須乞封磐固侯名因相立垂千秋

宋良載有大石封磐固侯

胡牧亭重書彭蠡舟中見贈長歌並索詩紀別

江介嚴霜急同爲惜別人追觀重錄句把酒一霑巾豪氣還今古  
高文避鬼神宮亭風浪惡念我更酸辛

汪輦雲送我江上

寒風亂葉打帆頻江上聞歌識恨人踏遍洪州已三度今朝送別有汪倫

擬龍姆廟樂歌六章

昌山峽龍姆廟唐廬肇闕城君廟記敘姆溫姓秦時人有龍遺巨卵於姆室覆育之一夕雷雨生龍馴繞姆側朝夕以鮮鱗膳姆一日姆治鮮刀鋒悞截其尾遂變化去不來姆以壽終鄉人葬之江岸忽有丈夫衰經來悲哀盡禮葬畢墓爲江漲所齧夜徙之昌山嶺遂立祠祀姆以龍配饗唐賜額曰孝通廟歷著靈異余數往來豫章無風波之恐感神德廼作樂歌六章紀其事焉

暴秦政荒陰陽逆蟄不胎蘇卵生殤陵谷多災龍遁跡英精元苞

畏圻壘廼置閼城溫姆宅廼以衣覆以手澤蠕蠕嘔誕產一夕龍  
之育兮姆不驚雷電一撇白日晶

姆兮龍兮若不知提之鞠之摩挲之如哺如乳如笑嬉鱗鱗不具

滑若脂或躍於淵或在池朝進溪鮒暮江鮒董實劉累無茲奇龍

之畱兮霞覆紫沙汭燦燦搖錦綺家扶注原本作姆兮龍兮若不

非子恐

天生神物化有期上帝之命焉敢違廼伺其姆斲鮮時觸其鋒鉅

尾則夷盤天乘風頃刻馳潛乾戰坤任所爲江湖浩浩揚之而龍

之去兮渺何許倚闥日日望風雨

姆登鯢鮓以考終衰杖涕泗漈厥容曰葬江汭防波衝昌山之巔

鬱葱葱有楓有櫟有檜松離乎其屏坎乎宮牛馬不鄰崇哉封龍

之葬兮雄以杰西江千里一甌白

姆居祠中龍侍右明璫翠羽帔覆首芝旗蜺旌前者後頭鉶臂針  
若木有牕櫺之窺人窺否愉色婉容進樽酒跼者子孫羅者婦龍  
之來兮飄以忽東山日出西山月  
山木腹雲滂不吐陰房出入風繞縷白鳳膏煙鬱鐘鼓足踏雷霆  
手提雨女巫褊褊作神語低豐稔稻高茂黍庇汝士農汝商賈龍  
之福兮古於今孝通祠下江沉沉

### 鐘山峽

誰識袁州路江山似富春新秋挂颿席霽色浩鮮新倒壁花多勢  
衝潭石有神倘詢秦鐸事無語對漁人

### 題休甯楊南望松石小照歌

我聞黃山古松倒垂數千尺盤作丹臺怪筍石蒼龍摧裂赤砂泉  
散入天風五湖白楊生讀書齊雲路天都紫磴曾攀據朝攜雲海

一萬片滴向湘江研丹露阿誰貌之松石間得非妙師董羽梅瞿  
山松枝槎枒石偃伏科頭高踞溪潺潺空煙澹鎖絃不鼓十指濛  
濛墮香雨青鞋已謝諸侯歸白衿何緣傭保伍悄然坐入三十六  
峯蒼深深蒲團飛轉光明頂海日湧出師子林我觀此圖非松亦  
非石是君輪囷魄何之奇魄浩氣橫飛太古絃鬱鬱市園藏不得  
今我不樂思八荒洞庭濯足東以望勸君洗衣軒轅湯勸君掉臂  
三石梁勸君手提尺管珊瑚裝鏗鐳詞賦懸明堂再圖鸚鵡冠子  
丹霞裳高堂橫琴一曲彈瀟湘瀟湘冥冥秋月白捲圖狂歌有楚  
客

放歌送家天木十四兄出塞

胡爲乎縛黃皮袂襜褕挂烏號纓曼胡橫江風浪如山麓不肯爲  
我稍踟躕吾欲斬樓蘭手無丈八及吾欲從武威腰無尺一符男

兒生不出邊塞負此七尺昂藏軀焉能槁項黃馘守敝簷經年局  
趣輾下駒行行重行行越白登超黃榆天迢迢覆穹廬秋浩浩掃  
大渚紫駝圖草雁銜蘆大荒如水青模糊名馬騰趙皆駒駝千金  
寶鞭嵌珊瑚錦障泥子紅流蘇道逢幽州客不通姓名誰擲揄攜  
手直入胡姬壚蒲萄十斛傾瓊珠將以馬乳綠醍醐琵琶拉雜腕  
玉膚不登李陵臺塚中降帥久骨枯不弔明妃墓當年青草今有  
無歸來瓊廬十丈雪醉卧不記在盧奴春水生溪初蒲桃花濃乳  
燕雛邱嫂鳴機兒讀書厨孃翦芹童捉魚家園之樂樂何如早歸  
來黃塵跼蹐不可以久居



男姪  
聲有普孫啟  
如泰  
沃  
裕幹  
光  
字豐  
校字

紫峴山人詩集卷五

湘潭張九鉞度西著

姪孫家祜重刊

滇游集

乾隆辛未壬申

時青原方伯奉移雲南以書至先生由黔之滇名山勝境罔不流覽讀其詩者兼讀時注壬申二月歸楓林灣侍養焉著滇遊集

將之滇南送姊丈曾亮臣由涼州赴安西

贈君木蘭之丹青絲絳奉君赫連之刀屈盧弓君行掉頭不肯住  
笑指天西萬疊之青峯欲提三尺錐生繫羌王之頸致麾幢不然  
仗劒出邊塞鄧先奇計揚才鋒何況參軍祭酒諸生雄虎頭食肉  
孰敢同謂尊人萬趨庭迢迢捫參極土花踏遍咸陽宮車聲班班  
上隴坂雲梯詰屈盤秋空涼州西去不知幾萬里穩廬點點出砂  
磧三十六國一氣通黃榆蕭條接白草時有偏牛羝羊攀號騰擲

斜陽中風吹宛馬灑赤血金柑繡勒奮怒鬣彎弓直走安西道玉  
關愁嶺橫龍從迸蹄散火出霹靂箭叫應手接飛鴻翻身卻躍青  
真上中原煙雨低濛濛詩成壁架摩石壁傳入羌女琵琶從蒲桃  
醉卧一丈雪仰看日射天山紅秦州流水多嗚咽洮雲慘慘瀟復  
濃人生曾合當有時好以兒女離別櫻其習不須錢乞郭林宗余  
亦騰裝將入西南夷

汎洲夜泊

小戍獨爲夜收篷白州洲日隨孤鷺沒江入亂猿愁志傲期名拙  
家貧仗婦謀羈魂難自慰只好付閒鷗

發朗州

大湖湧春去遊子辭家行萬岫落殘月啼猿聞一聲交親文字重  
貧賤別離輕何以慰親志西南多古情

西南  
驛名

曉過白馬渡

細路緣崖峻，朝陽轉轡虛。  
江流殘霧盡，人入亂山初。  
洞翠飄行柂，灘花濺短祛。  
雞聲喧渡口，疑有避秦居。

桃源洞行

十里五里漁歌聲，十村九村桃花明。  
飛泉無人絕壁挂，芳洲自轉蘭芽生。  
長林大道聞鐘鼓，云是秦人阡陌所。  
流水歸來隔幾春，青山一閉成千古。  
松風颯颯吹客頭，華池明鏡蕩不收。  
雞鳴亭午日上壁，瑤草欲動青氛浮。  
神仙安得私鄉里，世外蕭然自生死。  
秦人不識漢春秋，陶令猶書晉甲子。  
我謂此中人何樂，不向金鷲求大藥。  
尋常兒女繞田嬉，隨意桑麻對酒酌。  
高牙大纛馳風塵，休辨當年事。  
僞真回頭卽是虛，無路得意俄爲顚。  
額人夢裏圖中皆可住，何妨再爲漁郎誤。  
桃花欲落沅水深，便欲挈舟入溪去。



莊蹻開黔口揮戈首劈關遙通九姓部高壓五城山日避重霄外  
風生半壁間何人吹短笛更想馬征蠻  
尙說滇氛阻重關擁毒虺一梯穿鳥上萬馬踏天來熨道無餘險  
山花到處開百年威德盛慚乏勒銘才

沅州觀緬甸國進象歌

乾隆辛未緬甸酋長蟒達喇遣其陪臣希里覺填進馴  
象十二余遊滇遇之沅州作歌紀事

緬甸西南之荒夷阻山絡海窮天梯忽聞中國有軒羲矯首抗足  
面屢剽邊臣飛箋達京師鑿山通道重譯嚮重光協洽歲值期叩  
僧禮佛雞卜宜吉貝長袍曳地披寶冠嬰珞花鏤纚金銀表葉跪  
捧持授臣遣使語嗚呼表曰臣蟒達喇偕曩彌普納臣妾妃  
皇帝萬壽錫蕃釐俯軫譯外臣蝨蟻臣使希里覺填誰跪接表葉

首戴寶蠻奴牽象十鼻垂象別本國淚漣而錫波黑水噴崑礪蕉

木剗船頭裹皮酒筒擲抱鐵索危颯衝瘴激無癰瘻邊臣開關揚

鼓吹導以俛伽雙赤旗舌人映徒雲連輜授塗視館隆舊規沅州

四月石徑確驛門青天黑雲頽縣官走渴驛卒疲傾村婦女觀騰

貽使臣跣足騎鼉聲莎羅纏首兜錦衣繼顏棧齒雕眈低回韓錄

耳語其禪大官呼來席駝尼合掌俛地雙踞蹠蠻奴二十四雕題

或牽象舁騎其魁朱鬚類額虎毛鬚寶環穿腕鐵作一作交跖檳榔

扶雷嚙如同柳瓢索酒吸百棹撒空一躍飛鉤馳亦有護行銀生

兒曼胡纓綴長劍鉞驃綱捆載多珠璣怒馬壯士不敢追殺人寒

上在一陸家樹注銀生兒謂茂隆檄曉從吳向賢後斃之雲南徵

畏正宜朝廷從此蕩蕩連九迢秋涼計程入燕畿賓邸熏沐從

如此處置也職司五雲紉纓開彤輝希里覺填臣使來表葉高捧行逶迤蟻伏

墀下汗浹肌

皇帝覽表屢頤曰汝曾長恭且卑珍禽怪獸甯足奇念其誠懇聊納之蠻奴牽象行躑躅浮圖琳瑯裝裹蹙毼布文錦牙箭隨鑕鐵刀劍利剽犀象別臣使入伏階舞應行列品料齊食以瑤芻棧以圭繡鞵朱幘黃金羈山林一旦天家儀臣聞六詔唐不綏馴象晚紀元白詩宋畫玉斧繩若遺況乃邦牙益歲詣吾

皇神武揚德威并包四極羅坤維亥步未厯今耘耔周索未疆今藩籬統牛露犬古所稀扶服樹領萃於斯以此陸讐效賓懷庇于天朝父母慈邊臣送蠻復迎歸禺山蹴踏炎塵飛使臣歸捧錦綺纍口述

聖德侯禕而龍顏日角天人姿兩行將相皆熊羆大庖玉饌羅清玆那似樹酒蜚鹽非釣天仙樂名不知但識鏗鐳蕩心脾曾長北



拜舞傲傲築臺將倣佗尉基扶南盤況多兒獅聞之計物思孜孜  
皇帝大慶天無私於此但示以羈縻宮中正讀旅葵辭謙德肅肅  
流淳熙邊功不賞敦古治閉關命語西南覲勿用數勤遠物爲

從大栗關行至便水驛

客身與歸鴉相逐青天飛小栗復大栗接軫鬪嶮巖關深毒鳥多  
風寒猛虎飢日落萬山中化爲煙霏霏麗譙出荒景倒挂枯櫟威  
哀角咽不高行人慘相依蠻江動其下濤聲發迅機收蹄躡虛無  
側身防曲碕時有兩三家松燈漏柴扉疏星翻前汀明月隱半園  
流螢導我前花香亦微微寺鐘散林杪候吏嗟已稀絕境那可測  
白露沾人衣

懷化驛見倪穉疇先生題壁愴然成此

先生遺墨在山洞滿壁龍蛇畫紛冥七澤菊花春不茁九溪楓樹

夜還青

先生使楚有菊  
花三集

周昌氣節留朝右庾信文章失典型一自西

州門慟哭十年生事更飄零

雞鳴關

辭家日以遠行路日以艱不厭行路艱山川何淼漫僕夫告我驚  
直下雞鳴關急雨削冰梯風吹馬嘶寒澗江發迅機倒噴十里閒  
微軀一不戒下飽魚鱉餐丈夫不家食攸往輿衛閑請歌壯士行  
今日當喜歡

渡焦溪

絕壁長風蕩翠微濕雲晴日落霏霏黃梅瘴老人初入紅荔花開  
雁向飛壯歲襟期爲客悞他鄉物候與心違歸鴉軋軋知何日野  
渡垂楊自拂衣

鎮遠吉祥寺拜甘忠果公像

萬岫壓城城壓溪溪懸古寺聞烏啼中丞此地有遺像幼子相從  
留舊題碧血朝天依闕北丹魂殺賊走滇西英風今日靈旗捲長  
爲君王振鼓聲

中河洞

東山詭而妍黝然聳長溝樓閣嵌層霄丹碧何離婁仰穿危磴絕  
忽見曲洞幽飛雲帶積陰赤日凝清秋羣山傲姦怪劍戟排明眸  
當空古木斷萬派紅泉流危欄駕長虹旌旗夾颼颼竹雞啼一聲  
晚煙澹不收天開一丸泥阻此西南陬雄營非飾觀報國慎疆劉  
神仙固有窟安得爲淹留秋風漸次生請上籌邊樓

文德關

險境如夢中縹緲爭羅陳山風吹重關蕭蕭恐行人撲面白虹垂  
梯空上層霄蒼靄慘毒雨飛閣攢荒雲分寸不可接車馬皆嶙峋

揮刀踏天穿一門懸無垠朱崖垂夏木錦湍界脩筠側目陰雪寒  
冥冥多鬼神憑高視九溪但有飛鳥羣大哉真宰功剗崩啟鮮新  
惟

皇脩在德勢與造化均遂茲鏹禹同疊嶂同夷津勒銘思班掾棄  
繡效終軍諸彝慎勿驕地險安可論

戲作相見坡曲二首

下坡山壓頭上坡山出面亦知相見愁那能不相見  
相見不得語欲語不可招安得五彩虹駕天作長橋

相見坡

後坡翻空頽前坡劈天削中坡削面立俯仰爭雄伯礪礪徑殊狀  
慘慘崕變色怪雲起爲橋堅冰結爲石山亦各不讓人亦各不息  
既登猿猱巢復入蛟龍宅捫藤苦攀散縋索忽抱擲眼花撒茫茫

頭風吹撼撼萬轉窮鉤梯四圍失扶獲相見欲相招慄慄語不得  
莫言假飛鳥精爽失一擊山雨打簾旌歷歷驚魂魄

飛雲巖歌贈黃平刺史朱懷斌

巖極奇麗爲前明戍客所開前臨月潭有寺王文成公  
紀功碑在焉巖中壁上俗詩鐫鏤殆盡

黃平刺史雲中住不放雲飛九溪去剌來地乳鬼神愁拔斷天漿  
龍虎怒衝風鬱律不得吼欲使巨靈劈巖走急分三千六百軸之  
鉤鉗鎖以巨鼇戴其首入門赤日蕩壁微芭蕉花落蝙蝠飛繡裙  
蠻子擊銅鼓五月雪飛作紅雨長松瓔珞垂髯寒珠簾斜挂青闌  
干沈沈月潭浸其下瀛洲大海皆倒蟠君不見戍人死去五百載  
飛雲巖上今猶在戍人不肯畱姓名徒付山川鬬光彩我欲脫我  
青霞襜拔劍快斫生長蚬掬起浩浩洞庭水洗此百怪腸纖纖朱

君朱君豪於詩胡不淋漓自鑄爲偉辭毋令俗工來滓穢使此雲  
氣愁以悲老僧但畏雲飛去未晚先敎寺門鋪雲收月出將奈何  
相與紀功碑下坐摩挲爲君唱作飛雲歌

牟珠洞

行路日苦長選勝日苦減古洞多幽姿遠入信怪膽磴深鬼嬉遊  
窟坼天下瞰水柱無寸膚萬古黝不斬炎埵撐軸脈老迸寒慘慘  
乳牀垂玲瓏浮圖倒驚微金碧時動搖環環吐齒蒼清氛透顏色  
衣裳盡蕭澹瀑聲衝急弩從此襲元坎神鉤九地底身寄百蠻領  
告歸險有窮鼓勇余尙敢重來是何時西風吹橄欖家林注遠入  
他本作遠人

是非

重安江

惡嶺攔蠻江北風怒無時豈但水阻深兼之行人飢狂濤獐虎牙

懸絙鳴何悲浮雲無停輪白日匿光輝驚魂入雷硯舟日相高低  
我有一雙魚欲以寄慈闈手中無鎖鑰此鬱壘壘不有洞庭寬  
安知天地威

從貴定行至平越二首

險入七盤分西行更絕垠無天惟有地不雨亦生雲數堠驚前路  
逢人問落暉飢蟲三兩嘯愁殺伏波軍

天在峯窮處峯窮天又垂神姿荒刻劃地絡斷聯維不作西南客  
誰知造物奇還隨峒氓伴低拜竹王祠

馬腸江歌

衝風劈山馬腸裂中有老蛟抱殘月飛坂裊柱吐步欄兩綫閃閃  
提碧髮雷爲車兮虹爲馬來班班兮去衙衙波沈沈兮雨以激雲  
溶溶兮噴其下中流雪崩灑萬尺斷索離披咽危黑四壁無聲耀

母馳愁色荒情帶征客雁行魚貫不可上  
雕尻旋摩出深窰驚魂尋夢相引緣初日  
哀猿寂相向露煙踏翻俯無底失勢一落蛟  
應喜我獨胡爲在艱難悲笳一聲天地寒

貴陽晚望同李杞園

圖寓關上散清笳濟火祠前倚暮霞古洞  
煙嵐雙佛寺斜陽樓樹萬人家百年地險銷  
城笳四月山風老石花與子無聊尋景物愧  
余鹵莽事天涯

天中節憩石龍關

雨鬱晴蒸雨不分雄關伐鼓九溪聞節逢  
客路愁先覺人在殊方酒易醺慈母親繁  
長命纓癡兒偷寫赤靈文斑駁去後天涯闊  
腸斷歸禽入暮雲

刺梨花

花慘黯中有之  
移他省則不生



千里深紅間淺紅，枝枝含雨又含風。陸郎裝上移不去，愁殺斑駁斜日中。

鎮寧州

唐羅甸地  
卽股鬼方

山城只數戶，薄暮益蕭條。黑雨蒸藤葉，腥風下藥苗。蘆笙隨淚弄，竿酒入愁銷。不敢傳慈母，家書寫更燒。

坐白虹橋望白水巖作白水巖歌

西南之山何怪哉，奔騰直自崑崙來。長風三千丈，撐破銀河開。白虹鬱鬱不可以暢下，迺令莊躋施大斧，徑使長川巨壑驚空懸。險無滌回元冥轉，雪九地底倒灑珠箔金。銀臺日月行之那敢過，丹霞橫射屏崔嵬。雷公砰訇斬青壁，天鼓天車互撞擊。盤渦噴沫旋八極，使人耳聾目眩喪精魄。更百餘里猶奮怒而未息，匯爲潭水鬱環而冲融。間有犀牛齧齧眠其中，南通珠母國，東接鮫人宮。火

齊木難孰窮詰欲與洞庭博若爭英雄怪哉爾犀何年來此家不見孫可望則睚雙目猗厥牙役使毒虺與脩蛇塞川徙壑搜彩華萬夫號跳辱不盡血肉委積紅翻霞犀牛茫茫若不聞率其族類娛子孫潭沈月沉朝復昏青蘿裊裊猿紛紛我告爾犀守此終靈神鬼嗔胡不掉頭一撇湖海濱康熙年間山陰客作為壯士攫寶歌鐫此一尺巉巖壁我生衡山遊匡廬水簾石梁驪酣嬉誰知造化功到此彌魁奇不能雕鐫為小辭醉卧白虹橋放筆叫淋漓無射錢塘鴛無戮陽侯鉞不來攫寶來鬪詩絕景恂恂多少暉側身西去還嗟咨吁噫乎壯士何以為吁噫乎爾犀知不知前明水西自棄金十萬於潭孫可望役萬夫塞白河屏潭水取之十餘日不竭乃止康熙間有壯士泗水入見珠寶攫之與犀牛鬪力竭棄之出山陰呂黍有歌

紀事鐫亭壁上

### 郎岱館壁彭如之索題

立馬荒村一黯魂  
茆堂深壓萬松根  
瘴連百粵人煙少  
山入諸羅日月昏  
蠻婦騎牛初罷市  
峒丁畏虎早關門  
少年情性輕羈旅  
相對挑燈拭劍痕

打鐵關

湯湯牂牁流  
沸沸戎州雲  
宕宕關門懸  
慘慘戍旗翻  
焦煙起渴石  
毒雨蒸青瀆  
微風不動搖  
瘴大如車輪  
膠木翳高天  
含靈迷厚坤  
四顧但寂寥  
鳴蟬時一聞  
長安九衢直  
腰裏連香茵  
紅塵雖云多  
赫赫要路津  
胡爲厭其繁  
茫然入炎氛  
無以答僕夫  
狂歌聲自吞

西林渡

舊路由鐵索  
橋關索嶺極  
險鄂西林相  
公制滇時開  
此行人德之  
故名西林渡

黑蜨愀然啼  
急雨收炎界  
山翻諸部深  
江湧百蠻怪  
熱霧蒸蒼黃

飛翼墮精快，楓催洞口裂。石頽驛門大，雨霽江亦平。岸夾柳相對，  
漁舟繫亂花。榜人踏清黛，開道自相國。用避鐵橋害，坦夷歌商旅。  
馳騁利邊塞，歌琴讀鹽碑。清淚瀉如瀨，九原如可作。千古仰隨會，  
簡古關。

雨過青氛多，天地生古姿。蟬鳴大谷深，白雲交樹垂。俯視入無際，  
黝然躡虛危。連嶺壓其上，濃翠滴我衣。到關更崢嶸，角鬣突怒羅。  
遠矚巖阿中，諸苗自成籬。蝶裙唱獵歌，口琴罷柴吹。萬物各有性，  
豐樂皆天慈。苟能適其安，禽獮亦何爲。

黃陂戍

猛虎來床前，長熊隨之啼。山魃旣我伺，圓蛇又爭嘶。推衾中夜起，  
四顧氣慘悽。破壁燈無光，草露濡我衣。側足窺戶外，牢落天星低。  
欲脂我車出，箐深道路迷。氣結不能言，徬徨待晨曦。

斗郎箐

斗郎箐沈沈石角西南聳羣木錯朝昏萬怪生鴻洞毒嵐狀非一  
炎日出失勇巨瀑排巖開聲挾盤江動地維不可窮天險誰自聳  
班班搖虹梯索索破蟻冢不知攀緣苦忽訝羣山湧長風鬱律來  
千里浩呼洶王師昔討逆間道越龍從收疆不血刃八旬盡震恐  
皇威鏖層嶂百年等秦隴欲作劍閣銘材薄自惕悚

小斗郎

國初滇逆據關嶺斷鐵索橋以阻我師我師別由毛口渡  
盤江越此嶺直趨平田雍正八年鄂文端公開此路行  
人德之

乘虛入無垠落落眺遠天豈知青冥上復有鳥道懸逶迤出詰曲  
茂林迺鬱然雖嗟昆蹄傷暫得所歷妍崇蘭被坂深筇竹嵌石穿

其上多宿雲其下流紅泉亭午日出壁猿啼破蒼煙時見虛靄中  
茅茨露兩椽散徒成亭側耆老聊一延

松巖寺

經旬始見松巖寺松色繞門寒可憐經典漸於迦葉近佛光盡受  
白雲緣老夫坐竹飽香飯童子穿藤尋澗泉錦雞叫罷銀鷹跳似  
識浮生小憩年

庚戌橋

橋跨牂牁江上雍正庚戌鄂文端相國開新路時建  
牂牁江走激奔湍伐石爲橋百丈安野老撫碑知歲月行人下馬  
凭闌干火雲散壁紅椒熟香瘴過林翠羽寒一自羣壘開鑿後青  
天蜀道不知難

亦資孔驛

積霧漫漫出戍旗。今宵行盡古羅施。天搖絕徼星辰大。月下深山  
鼓角悲鄉夢已過重坎。少客身更作亂雲垂。行人都說銀生郡。爲  
問猿聲欲訴誰。

馬龍關漢將相祠杪櫨樹行

雄關昏黑下攔人。哀猿前嘯虎後信。其上烈風無時息。萬壑浩洶  
來鬼神。將相祠前杪櫨立。樹勢爭祠倚關急。層梯傑閣蟠虛無。土  
官酌酒蠻僧揖。以火照見蒼龍皮。高不可極大百圍。須臾明月引  
我上一祠。一狀駭欲飛。驚鳥將子爭高下。雌蜺標巔蛇走罅。四時  
雷雨變春秋。萬劫丹青歸造化。花竿紫纛拜回互。戰馬弓刀突趨  
赴。不死英雄故國心。各結乾坤爲鬱怒。盤旋到頂偃蓋張。打頭子  
粒飛紅香角聲吹。月落無底尤谿六詔煙沈蒼靈區。絕景那得久  
催客鳴鐘。爽人走十里孤城。魂夢搖蒼龍。猶作漢家吼。

將相祠祀  
諸葛武侯

龍川穆侯及侯  
之子威順王

賢照寺

伐鼓羣峴丹梯暮色分  
薰風山果熟香雨石泉聞  
此地曾戎馬何時化佛雲  
長松一萬樹空翠落氤氲

海潮寺

雨歇蛇山送翠微  
寺煙遙對檣城飛  
回風入樹吹官騎  
野水添潮上客衣  
幕府承平人少事  
還方銷却佛生威  
啞泉舊碣休相問  
暫酌甘泉坐石磯

金馬山望昆明池

羣山奔雨下昆州  
山壓昆明池水倒流  
碧草連關浮白象  
黃沙落日散旄牛  
徒聞戰伐餘殘壘  
豈有功勛必世侯  
磨盾承平竟安用  
欲將生事托扁舟



登五華山

山在府城內僭賊孫可望構宮殿其上

陸山裂袞入孤城氣盡平湖一障橫潮起煙嵐浮六詔天平草樹  
散諸營青袍白馬成何用廢址荒溝枉自名只有武鄉祠下坐彩  
雲長日護蜺旌

螺峯寺觀西竺僧

僧自天竺來滇已二十餘年自云有百餘歲制府張相  
國賜以銅牌述其始末卧寺鐘樓下能咒神鬼嗜燒酒  
云此佛菩提甘露也貌醜而穢或謂寺僧隱事咸厭之  
滇人男婦來謁皆以酒供養兒童病者以手摩頂卽愈  
醉則永夜呌囁見人輒作番語手書空嘔伊不可辨寒  
暑一敗褐瓢杖皆相國所供

螺峯松勢壓城中石穴虛無漲海通何日胡僧來席地見人番  
但書空醞醕供養千瓢酒神鬼驅訶五尺銅欲問恒河沙幾許夕  
陽天外有罡風

雙塔寺

連峯譎詭佛宮開雙塔迷濛翠一堆莊蹻關前雲散盡梁王臺下  
海飛來共言迦葉畱摩地休向昆明問劫灰傍晚老僧攜藥籠名  
香雞足寺中迴

南中述古四首

爨國荒煙盡昆城繡壤羅海蟠天上大日轉地中多九睽趨金馬  
諸番散錦駝滇王藏不得收入漢山河  
獨上禺同望寥寥一古臺山橫銅柱密水割鐵橋開莊蹻無餘險  
唐蒙未易才如何老諫議只爲碧雞來

南詔真雄服，曾龍亦世豪。中原多肉食，百萬一鴻毛。嘆息增城降，遺羞木夾勞。能遵武侯法，終古有韋臯。

百戰交州地，提封益郡參。誰憐同島服，不得附邾鄉。玉斧心原隘，珠厓棄未甘。三楊誇相業，遺憾在南。

南，滇南喪敗，率由土官失職，名導之致有沙定洲之禍。

南徵二首

南徵稱雄鎮，連營十萬威。蠻刀吹鬼髮，洞錦作戎衣。天仄呼鷹急，沙平散馬肥。越裳今入貢，恆勿弛兵機。

一去萬重山，遙連鐵壁關。旌旗文諭蜀，鼓吹曲平蠻。筒布春爲賁，雕弓夜不彎。前朝征戰地，一縷塞煙環。

滇南諸蠻，繼叛終明之世，兵革未嘗少休。

雜興四首同習之明府夜話

水國多溫瘴，山城起渴霞。無邊三月草，不了四時花。急雨飄龍血，

薰風落象牙。他時圍榻好，向老龍誇。

六月二十日大雨，龍關于滇海中。

落拓浮生事蒼茫此日遊海雲朝洗象山雨夜稚牛草檄今安用  
囊琴世所羞男兒多紀載亦足當封侯

古有銀生郡雄奇更在南天橫榆水墨火壓雪山嵐神馬終騰漢

潛魚不出潭誰將詞賦手一爲訪張含

謂石屏州侍御月榭先生

說劍孤燈外彈琴萬壑中十年輕去國六月小從戎白蜩蟠多霧  
騰蛇嘯有風夜郎來李白亦是遠遊雄

洪州李大杞園亦同客澳

### 優曇花

花爲西域僧菩提巴波所種花十二瓣遇閏則增一瓣  
今歲以閏五月來滇正值花盛

佛像青蓮蓋神漿碧玉杯香城真獨出西域孰移栽元鶴涼初下  
迎陵晚更催今年增一瓣天遣爲花來

### 贈李杞園

西行脫卻舊儒冠，袴縛黃皮據馬鞍。自識羣羣賓客重，休歌李白道途難。海浮白月孤樓直，天躍黃雲一劍寒。從古南中邊冊大，燈前把酒與同看。

同彭正之飲威遠樓前優曇花下作歌

夜聽紅豆雞歸計，嗟辛艱曉聞鐵鷄鳴。思非一端篝煙東望四千里，高樓怕撫長闌干。樓前優曇花一樹，蚋蟻十丈森雲寒。銅柯鐵幹不見日，幽芬淨色蒸團圓。下臨壁池搖明鏡，龍女倒捧白玉盤。芙蓉穿石穗交映，紅霞簇擁青琅玕。菩提巴波何代種，土主廟前勸供奉。臺省誰移異卉栽，疑幻琉璃土培壅。主人爲花致越醅，平頭奴子黃封開。柔莎藉巖傾樽壘，一花一瓣傾一杯。我聞雍正八年制軍府紅優曇豔千人覩，南平普洱北蒙番似作祈祥報。雄武又聞前年滇郡罡風厄，城壩館廨遭狼藉。長林松栢摧戕多，安

問杪櫺與簷荷此花却外猶莊嚴持護豈真仗佛力對今憶昔客  
愁銷痛飲狂歌焉足惜不見高樓月出西南隅露香又滴醲醑酬  
優曇花露亦可釀酒

### 送山陰邵生赴迤西幕

別我黃驄白玉羈繩橋西去欲依誰男兒出塞亦云樂三十從軍  
未厭遲滇海風高初伏熱蒼山雪霽正流澌關門莫唱新楊柳恐  
使高樓少婦知

### 一片石歌

苕生鉛山孝廉於豫章城西新建上饒兩漕倉下訪得  
明婁妃墓語當事爲立碣於阡復譜其事爲樂府曰一  
片石授黎園使演焉余聞而義之作歌

章江黑風吹水立美人血冷老蛟泣土花飛出紫鸞鴛三百年來

未收拾鉛山才子好事人蒼茫興會若有神金蠶鬱鬱一搜剔秋  
墳鬼唱無荒榛豐碑矗立新翠手酌椒漿感幽邃夕陽躍下舊  
粧樓倒射桃花斷腸字醉來橫倚一片石絳蠟銀箋吐奇墨淋漓  
不讓四聲猿迴旋已合三疊拍百花洲深錦幕張東湖浪打蘭芽  
香十三紅兒踏毬場鴈絃拉香檀龍翔此時霓旌夜歸來鱗車魚  
馬爭喧逐花冠翠羽瑞瓊玖海霞裾子漢珮催前招采鸞後麻姑  
行觴擘脯皆仙廚東者擊瑟西吹竽感君意氣爲君壽贈以南海  
明月珠爲君緩舞歌一曲雙淚墮落紅瓊瑜君不見湖上老漁譜  
新詞玉簪訂納劉家姬都陽鼓鼙未銷歇茂陵天子工情癡至今  
秋草騰禧殿荒煙誰問雙蛾眉貞淫關係在文字興亡烟戒甯荒  
俚以茲聞揚大節義洪都雅樂風詩遺滇南女兒花釘鼓大理繁  
腔令人盡安得譜君新樂府弔古遊仙入鍾呂老頗風景裂可知

思君迴首西山雨

昆明古意六首

漢家曾說兩司馬天遣昆明州先後來西略何知文教急南中從此  
彩雲開奇香異賂誰爭得蒟醬蒲桃枉帶回我到五華樓上望幾  
時相見盛張才

咸和門外草芊芊中有豐碑漢子淵豈是山川愁使節恐教天子  
遇神仙雲霞人想文章氣金碧祠荒禱祀年可惜大夫能諫議宮  
中只誦洞簫篇

武侯五月平蠻地祠廟丹青處處同今古恩威依父子歲時歌舞  
走兒童山川光怪神人守圖識荒唐世代雄金塢倒時羣痛哭真  
哀猶捲舊英風

金嶺倒象歸流蠻人傳武侯識語雍正庚戌  
成晉海金塔書製王師平其地設晉洱府

閭邱碑版賈生書野老逢人說舊居今日風流猶藉甚當時慷慨



欲何如文章光燄傳  
羈客卷帙存亡付大虛  
欲采芙蓉盡秋水白  
雲渺渺更愁予

雪山騎掃鐵橋開  
如見西川節度來  
忠孝定多戡亂畧  
梟雄終感救危才  
攻心末世無諸葛  
內附何人表鄭回  
不識新豐折臂者  
當時樂府爲悲哀

秋風飛捲海門潮  
學士祠堂葉未凋  
六詔封疆歸赤版  
孤臣腥血濺金貂  
藥燈照後無骸返  
荔子丹時有賦招  
聞道夜來嘶玉馬  
尙舊同鷺白雞翹

曉聞鐵鷄鳴

小鳥亦何恨偏能說  
旅愁重關封去夢  
落月問西樓孤被連  
池冷殘香帶穗收  
花柳有宿露應已濕  
簾鉤

詠雞埏菜二首

紺袖霓裳白羽衣炎洲仙子戲空飛天風吹下珍珠傘雞足山頭帶雨歸

翠籠飛擎驛騎遙中貂分賜笑前朝金盤玉筋成何事只與山廚

伴寂寥

明嘉宗暗此菜滇中成馳驛以獻惟客魏得分賜張后不與焉

### 碧雞雨歌

碧雞騰空啼不止殷雷力破太華起沈沈雨脚劃城飛萬頃銀潮  
腥未洗金山日輪忽飛來雨勢偃退雷不哀黃龍餘嬉掛絕壁掉  
尾射日金鱗開渴虹萬古雨條亦下飲滇海海爲碧海碧天空無  
點煙一客樓中眼雙白

登威遠樓歌八月十五夜同彭正之如之李杞園席上作  
人生不作西南客安知月與人咫尺人生不登西南樓安知天地  
有中秋禹山雄跨青霄上此樓與壓禹山壯雲將何者問鴻濛但

踏入荒皆動邊商風夜洗昆明池沈沈大地包琉璃誰呼纖阿碾  
輪出湧在蒼煙積霧之中馳碧雞無聲金馬伏千山吐作蓮花枝  
七參四井搖足底南極老人眠倒坐坐中絲管遲迴發空裏嘔啞  
足幽咽紛紛桂子圓如扈漸落闌干散紅雪須臾月馭當頭正一  
掃滄溟四壁靜海上誰擎白玉盤人間無此瑤臺鏡移牀卻走不  
敢看毛髮森立肺肝瑩此時再洗黃金罍此時再酌鸚鵡杯狂筆  
急管鏘以哀銀河倒瀉冰壺下沆漚濃滴葡萄醅恍疑呼吸通帝  
座身與元氣相追陪俯視點蒼成苻藻百蠻一白無昏曉海人銜  
出赤珊瑚燒盡炎洲出瓊島梁園客之正洪州生月華到手  
杯莫停月與我生太平時光圓暈滿常相隨不向關山照刀劍不  
入高樓窺錦機征人那唱梅花曲少婦誰悲砧杵衣我欲披霞織  
曳菱裳珮寶璐吸玉英蟾蜍走匿兔搗漿姮娥贈我藥一囊遊覽

四極紛翺翔不凋不老樂未央樂未央樂難忘笛聲轉秋秋漏長  
且擊肥羜膾鯉魴主人進我更千觴醉倒星河散曙光月華自古  
有圓缺何況人生不離別他年西北有高樓茫茫更憶西南月

劉將軍殉節歌

將軍名琨四川人烏蒙鎮遊擊雍正八年土官錄萬鍾  
叛將軍佐總兵劉起元守城起元主撫賊易之攻城愈  
急將軍出與賊戰力竭自刎死賊殺起元城陷時將軍  
妻張氏妾吳氏女可璋易璋皆以身殉未幾

王師復城磔萬鍾於市贈將軍總兵官

賜祭葬蔭其孤兒爲千總妻妾女皆有贈余有傳復賦此  
烏蒙遊擊劉將軍立城指賊怒欲吞主帥縮朒事招撫賊笑詈之  
反蟻屯將軍唾罵辱國奴開門奮刀砍賊顱小賊墮地大賊呼野

夷數萬駭豕趨將軍轉戰四十里以公餒賊帥坐視鐵爐山前小  
天底身傷毒弩仆不起刀割袍襟蘸胸血以詩題石石不洗雍正  
八年某月日臣琨力竭自勿死日月晶晶行照之至今山吐長虹  
紫賊驚羅拜呼將軍尺土覆此好男子有妻城破刃自戕一妾二  
女皆殉亡紅衫堆積流霞影綠髮摧頽白雪光飢烏渴虎不敢近  
滿城噴作旃檀香制軍師至逆賊礮一門丹墮文輻襲三歲孤兒  
求不得懸賞轅門金百鎰乳母號哭來七日孤兒抱自深山出將  
軍不見見孤兒燕領虎頭顰置膝馬革裹屍志已久恨不生帶樓  
蘭首國殤厲鬼臣何奇生死皆銜

聖恩厚流官猶看土疆平毅魄長爲風雨守當時亦有馬秉倫援  
旗奮勇同致身叢祠祀何赫赫花竿裊裊無蠻雲不見主帥怯  
賊被賊劉荔枝河水不洗羞天陰餓鬼啼啾啾馬秉倫甯夏人官遊擊從公戰死鐵

嶠山附  
祀祠左

彭青原以三塙寺黃華老人石刻見贈詩爲明李元陽所

刻

黃華老人有奇墨中溪太史勤磨礪何年攜出照蒼雪入座猶飛  
洱海風金桃欲綴王母廟寒雲如挂高歡宮借公一騎徑西去直  
上三塙看龍從

玉案山晚眺

山在太和縣  
葉榆河東

一嘯俯陟商連峯倒石梁人煙毒草外僧路亂鴉旁萬樹流炎海  
孤城下夕陽梁王舊臺閣晚霧只蒼蒼

送同年吳澄菴明府歸保山

銀生古郡萬峰西好趁斜陽出碧雞顧我十年空羈落看君八旬  
富標題家多寶布桐花老城過蒲蠶荷葉低問政無多承大府祇

教綏輯在窮黎

南中秋日同李杞園

白草悲笳外秋聲一夜分  
焚花羞亂髮蘆酒耐微醺  
日傍羣羊下風隨萬馬聞  
郝隆蠻語憤豈是老參軍

得家書卽寄

忽有瀟湘雁隨風夜度關  
慈親封藥餌少婦咏刀鐙  
劍向黃雲去春隨白日還  
平生非蕩子萬里一朱顏

歸化寺

當年禹詔地誰闢此深林  
花氣連冬夏鐘聲變古今  
投香嚴損廟報漏殿藏禽  
休說無生話門前車馬音

火把節歌

唐鄧睞酋爲蒙酋所焚  
妻慈善於火中負其骨以歸蒙

舊豔其色欲奪之慈善守城自焚死滇人哀之以六月二十四日爲火把節如寒食祀曰寧伯妃祠

今辰何辰夕何夕海爲赤天爲赫萬古淒淒作寒食不見松明樓  
白虹十丈燭蚺鰐不見德源城西風子子吹蜺旌祠曰鄧睽號曰  
寧伯妃鼓吹笙以報貞烈神不食我安敢燔炙火把火把漫城飲  
野火中翩翩鸞鵲飛前者公後者妃手執鐵釧相顧悲請勿悲火  
不滅年年六月二十四日燒作節鬱者恨香者血明日茫茫化紅  
雪松明德源節  
燄以妻詔名

### 阿盭歌

阿盭元梁王女彝賊攻昆明梁王召大理段功擊走之  
以阿盭婚焉後被忌功者譏殺阿盭作歌不食死墳在  
滇海上



兒不如押不蘆長秀風與霜兒不如踏裏衫長繡鴛與鴛昔爲白  
蓮花今爲斷腸草昔爲瓊樹枝今爲污泥稿兒身酬奴功已爲宗  
社羞忌功格殺之又以婚他酋天孫與王姬千古有此不問之山  
旗之水山峩峩水瀾瀾生不歸梁王宮死不作段氏鬼押不蘆塞  
踏裏衫被名皆蒙古語卽用歌中事歌云心懸明月照青天青天  
不語今三載欲隨明月到蒼山誤我一生踏裏衫雲片波濤不見  
人押不蘆  
花顏色改

天女城行

晉甯州刺史李毅女築城名天女城毅死女守城擊賊  
退遂領刺史事

天女城天女築高穿山低駕谷蘭石列渠咎肅龍衙衙虹翬翬好  
男子刺史死五十八部黑芻鬼勢欲摧城城躍起揚朱旗擊大鼓  
錦袍繡鎧立天女天女射賊貫一弩糧盡賊伺疲掘塹爲長圍拔

草草更菲炙鼠鼠更肥千人飽之如虎吼賊曰天女天爲守喪其  
長纛紛紜走晉帝聞之旌厥勛黃金鑄印爲將軍西南先有洗夫  
人唐家南詔誰擊賊二十萬人化海赤當時霄無一男兒忠烈祠  
前女嘆息唐賜入祠

### 金汁河曲

金汁河大理段氏遊獵處地多種素馨因名花田

金汁河銀汁河盤龍江金馬坡循虹堤藉平莎舞巴鬢鳴鈔羅珍  
珠船載翠娥迴旖旎紛婆娑促膏繡蹋錦靴鬢王醉妖女歌妖女  
歌可奈何當時素馨何其多如今墓田誰作花

### 義象塚歌

前明賊攻武定將軍有象突出捲泥沙噴賊賊驚駭爲  
神助皆奔師逐之遂大勝象力竭死溪中至今號義象

塚

義象塚高高象祁連象死五百年過者猶潸然賊壓營將軍哭賊  
忽奔將軍逐賊曰神鬼將軍曰壯士歸來椎大牛紛紛各叫喜  
象不得象乃死溪水鼻捲泥沙怒賊立而視壯士哭將軍悲一象  
義于三千師殿下孫供奉海上白鷗鳥張文蔚陳宜中何足道  
原本陳蓋中應作陳宜中今改正

打艸稈曲

卽大理腔傳爲楊升庵取撲滅夷獠之意而作

打艸稈三絃彈作大理歌艸稈本微物根株蔓衍將如何三月惠  
風九月威雨天憐汝生不雍汝莽草稈本微物胡爲效蕤麻不知  
順其性蒸毒藏修蛇松耶柏耶尙刀鋸狂肆甯有安其家打草稈  
歌以南勿爲儂家草使我割刈供樵爇打草稈歌以北勿爲祿家

草使我撲滅一朝息

土官謠

滇黔舊日風俗土官奢汰肆虐夷獠羣苦之

國朝平其地設流官今成樂土矣

立昭綱跪昭錄膝行叩孟走而仆

家氏注昭綱土官錢糧名昭錄孟叩皆小土官或立或跪或膝

行其肆虐夷獠可知銅鎗索索刀簇簇猛象如山馬如屋下馬來誰土官

麟袍箬葉冠排簫白嚮琰千豔妻妖妾顏赭盤舞裙窄袖花垂鬢

肥牛肥豕擊作餐奪取小婦爲娛歡一怒百里天爲寒天爲寒血

灑雨蠻人吞聲不言齒鏤金床前急打鼓鼓未罷龍曉曉日流官

家氏注以上七首下擬南中古樂府

晴出滇城東郊

寶馬金絲鞭香醪碧玉瓶問君何所向遙指一螺青市轉枕柳暗

村連蒨葉聲壯心誰得耗飛動出精靈

鸚鵡寺

俗名鸚鵡寺

石磴轉虬松摩天翠萬重到門聞葉落隔水見諸峯山勢銷鸚鵡  
潭煙出黑龍休矜銅瓦豔都化劫灰蹤

坐黑龍潭祠亭

潭爲文學薛大觀閩家祠節處

落日入潭水微風生座隅鬼雄誰慷慨龍祀未荒蕪松鼠翻堦走  
楓人倚壁枯小碑畱姓字憐爾一窮儒

渡盤龍江

馬影與人語斜陽共一溪鳥歸滇海外雪在五華西客事惟山水  
幽尋有竹黎誰能作拘檢擁卷聽晨雞

金汁河兩岸是大理段氏種素馨處

此地亦花田餘香生暮煙胭脂妖女頰燈火假王船白浪浮金馬

青山下杜鵑繁華有何恨過者一茫然

再入歸化寺

小雨經時歇幽尋到石巖夕陽收彩翠空影入松杉雲盡初看鳥  
湖低欲逗帆老僧何處返藥籠荷長鑱

昆明竹枝詞十五首

金山日出碧山雨一半多晴一半無若使郎心如妾意願化昆明  
水一湖

儂登草海望夫樓郎隔蜻蛉江外舟移得碧鷄山子去與儂仍作  
一溪流

滇池深深花萬枝金江嘈嘈灘嶮巖郎心莫似滇池水流出金江  
變舊時

黑蜢蛇啼毒雨收紅椒花盡瘴雲愁客腸枉作千盤斷君看盤龍

江自流

家住鴛鴦池上邊蓮花並蔭鴛鴦眠自從錯種相思樹只採相思  
不採蓮

送郎北去又西行北販金沙西寶坑販金莫過潤筒渡販寶莫出  
大姚城

湖上女兒雙髻了桃榔林裏採新茶生來阿蘊墳前住不唱春風  
桃李花

歸化寺前茶花紅花開日日西南風碧鷄原不催郎去金馬如何  
又向東

大姑郎居大海東小姑郎前草海重草海深深繫舟穩大海風波  
愁殺儂

君住城東金汁河妾住城西銀汁河同源咫尺不相見中有陞山

可奈何

鸚鵡山前鸚鵡飛  
鸚鵡花開紅滿枝  
花前把酒祝花語  
郎在天涯何日歸

鯉魚買得草海頭  
尺書欲寫寄瀘州  
惱恨蠻山三百里  
不放滇河只倒流

燒香城東甯伯妃  
勸郎莫燕松明歸  
火中照見甯妃血  
不是鴛鴦一對飛

江上金牛空有名  
那能半步踏泥行  
何當鞭得雙蹄動  
拽住郎車莫出城

打草裨兒大理腔  
曾聞哀怨似羅江  
十三女兒花釘鼓  
愁殺鷓鴣飛一雙

送同邑朱質有齋  
時餉事竣還廣陵二首



扶桑花落碧雞愁。人別昆明天上秋。直下孤帆一萬里。青山流盡是揚州。

千里黔山黛色低。新禾瘴裏挂偏提。客心只似天邊月。一路隨君下五溪。

同彭正之如之家東園司馬出北郭入玉案山路

客思寥寥不可收。且憑載酒作狂遊。蟲沙賸詔銷荒雨。象馬山川入早秋。曉日桄榔初熟寺。香風橄欖恰登樓。龍潭北去泉聲遠。爲問眞源到上頭。

花紅洞

花紅洞在亂峯南。怪石驚湍走佛龕。天鎖長松門作雪。瀑飛夕照寺成嵐。盤成白鳳千年乳。瀉下黃龍百頃潭。勝地有窮須駐馬。秋霜涸後與深探。

法界寺前明咸甯王建以貯藏經旱則禱雨於此

四山金碧鬱濛濛隔岸雞啼見梵宮  
旛影參差修竹裏水聲高下亂杉中  
牛耕給後諸番靜龍藏馱歸百戰空  
能以太平資佛力勛臣一代自英雄

太華寺坐昭勛祠

峭壁盤雲轉徑微寺門倒影萬松依  
坐看大壑魚龍起直踏長空鳥雀飛  
碧草環城皆積水斷雲浮塢盡斜暉  
昭勛祠下空回首畫壁弓刀亦久稀

筇竹寺

漢使南來曾到否寺門筇竹尙雲齋  
湖連香水浮銀象花落空山叫白雞  
竟日聊爲塵外賞百年強半醉中題  
藥苗松菌吾攜得又別鐘聲過澗西

高嶢關遠眺

峯勢西迴海指東高嶢關壓碧雞雄  
三秋笳鼓傳天上九賧雲山入掌中  
伯仲武侯惟沐氏規模陀尉是南蒙  
書生豈有籌時策坐看邊樓日挂弓

日一作月

高嶢關謁楊忠介公祠二首

首撼天門哭身投瘴癘行疏狂誠可殺  
禁錮亦何名將帥慚嚴武朝廷失賈生  
金雞飛不到閩婦淚縱橫

萬死蛇虺窟孤忠冠盜時酒傾蠻女祓  
墨灑纓王旗古史搜蒙詔新聲譜竹枝  
高嶢祠宇在老樹壘豐碑

先生敘南詔本末成滇載一書

自種美人蕉

勸君莫惜琥珀鍾勸君莫惜臉潮紅  
花前終古有離別落月蒼煙皆夢中

家東園司馬招泛近華浦

公子出城去銀鞍白鼻騮連船皆越酒蕩槳卽吳娃  
匿匝衣穿樹迷濛海浸堦梁王宮咫尺花盡赤龍釵  
浦中佛桑花開最盛太華三萬尺倒影積池深  
昨夜秋風至蕭蕭蘆荻林潮隨螺蚌上煙引鸛鵒尋  
不聽當筵曲漁歌起晚音

送家東園司馬採銅尋甸州

司農鼓鑄待鍊砂公子騰裝走鈿車銅吏穿雲晨入  
厥治人帶火夜移家三春瘴已過青草六月天猶暗  
毒麻好劇茯苓中散助當壚蠻女盡如花

建水包簣山刺史石屏何桐伯文學集寓齋

似舅何無忌桐伯爲月談經包子良謁人參政省登我讀書牀  
橘滿州郭楓林明海霜南中好風景連日醉壺觴

古意

老鳳生九雛一雛來東都鳳族有一鸞同客禹山隅鳳雛忽飛去  
渺渺昆明湖路逢湖上人語客得知無巴馬鬃九尺昆蹄渥洼駒  
珠勒黃金柑鞍堆繡模糊袴褶赤錦袍其前導雙旗寶劍腰瑟瑟  
詩鉤青珊瑚上馬盤弓弣下馬飲駝酥中婦捧盤觴小婦鏘笙竽  
門立辦銅丞山召坑治徒椎牛夜火然騎象轡官趨一劍撇然馳  
萬壑秋風呼何必立功勲然後稱丈夫爲人好顏色較子多有鬚  
塞上數千人皆言公子殊

風

家試注慎風每日辰起申止空中如  
萬馬奔馳然八窗洞開燈影不搖

慎風不入戶浩若海奔馳出地一千里搏天十二時輪高幻寒燠  
籟遠中壩荒露坐防飛蠱呼童榻屢移

大雪同彭習之明府飲

禺山十丈雪高與刮風齊浩浩出西極冥冥下九溪城煙收不起  
湖樹望全迷只合分曹賭香醪吸百棹

簞山桐伯別歸臨安寄懷月槎侍御二首

我欲出關去君先錄別行湖船一夜月照滿驛王城幽思銀箏寫

狂懷玉笋輕南中他日夢回首彩雲生

桐伯招泛近華浦狂歌紀事

益郡有張叔醇文冠漢儒常誇三島勝邀我易龍湖夫子註經處

梅花三十株因風相問訊兩鬢有霜無

寄題安甯州碧玉泉

泉爲湯池在蜻蛉川中楊升庵易名碧玉泉又題曰天

下第一湯

蜻蛉流碧玉萬派赤雲香天鏡分晴雪蓮花作浴湯洗心去溟滓  
晞髮足徜徉安得丹砂竈翩然刷翼翔

寶井歌

寶井迢迢在猛蜜老撾緬甸時擊扶南牙瘴熱錫波寒鬼彈團空  
不見日金牙酋子踞市猜藤足蠻孃出筐疾地羊寨高石壁蟠黃  
睛鰲面騎虎斑腰擐毒弩截道搜易人心腎睡毗間見蠻中自來  
西出姚關者數百人中無半還天竺蟬翼珠崑山璧抵鵲貴賤相  
殊遠近別中國何勞蠻何樂我聞前明錢太監構燬西南木邦陷  
祖母瑤帶於中賺又聞林寶石千顆百粒長安宅交通權貴無彈  
効天生尤物可奈何披圖按冊索者多象齒焚身詎不戒綈囊錦  
匱側目過纏絲白瑪瑙光瑤青紫刺硬紅黃近聞比研西品貴猶  
睛中下無能當小鬟三千貫大鬟一萬餘美人顰歌眉尙嫌輕幾  
銖我今作歌淚欲滴祇恐停粧簪不得家注祖母珠纏絲白瑪瑙光瑤青紫刺硬紅黃近聞比研西品貴猶睛中下無能當小鬟三千貫大鬟一萬餘美人顰歌眉尙嫌輕幾銖我今作歌淚欲滴祇恐停粧簪不得  
皆寶石名出猛蜜寶井神宗二十八年雲南稅監楊榮開採阿瓦孟蜜寶井三十四年六月緬甸陷木邦見明史

送彭習之歸雲南署

只道先君去君行我未還  
可憐今夕月只照碧雞關

送僧往雞足山

五更雞足山萬彩佛雲環  
當日弟迦葉藏修坐此閒  
師今飛錫去古雪滿禪關  
應咒名香出拈花作笑顏

菜海訪沐氏園亭故址二首

何年菜海通滇海海上秋波日日來  
沐氏海莊今不見遊人還上  
海邊臺太華霜落殘荷動絕塞風吹亂  
荻開我亦無心爲惆悵啼  
烏撼撼下蒼苔

劫火燒殘簇錦樓勛臣世業片時休  
紅顏死戰哀殤鬼鐵騎生亡

笑故侯從古貂璫能誤國此鄉寶玉亦崇讐  
王師一戰收滇海鷺

鴨軍聲爲洗羞

家林注崇禎中土官沙定洲叛總兵沐天波由小  
寶通母陳氏妻焦氏妾夏氏皆走城北自焚死天



波後隨永明王  
至緬甸遇害

將東歸示杞園

與子經年幕府居  
狂歌拓戟興何如  
非關司馬倦爲客  
其奈江都思上書  
八旬河山縈夢盡  
九溪風雪近家初  
李生頭白未歸去  
閒煞匡君舊日廬

歸化寺山茶花下醉別彭正之

花高五丈餘  
開時如錦繡  
可十餘畝爲滇南  
山茶花之冠  
昆明池頭擊銅鼓  
黃龍潭上迎龍女  
龍女一夜織機杼  
織爲雲錦三百匹  
懸在金馬關前五丈五  
半割贈我行  
半割畱君住  
瑪瑙杯葡萄醕  
我欲辭花不語我  
欲歌花起舞覆君繡  
被君醉眠我挂錦鞍從此去

幕中諸友餞別近華浦

雪霽如春水綠波茶花無奈別人何共尋近浦挈舟入猶對華山  
載酒過小吏琴樽常負從老僧碑碣費摩挲年來髮白鬢關上辜  
負珠孃宛轉歌

### 板橋與彭正之別

萬里雞聲凍不銷月殘林外雪迢迢寒風勒馬蕭蕭立看子西歸  
過板橋

### 板橋曉行

歲暮爲歸客征車未曉凭馬蹄山澗雪人語驛樓燈記里行無險  
麻糧住未能雙親凝望切春酒進相仍開家君自都門返里

### 南車坡

家枕注下宣威嶺過大山門卽此

眾壑爭流響長巖積翠空石危風落鳥樹古雪翻熊洞厂飛樓嵌  
樵煙小徑通重來無險阻翻在畫圖中

平彝小樓憶李杞園卻寄

平時把劍惜離羣，此夕登樓那共君。  
溟海寺前燈影散，莊州城下水流分。  
無邊魂夢皆枯雪，不盡關山更暮雲。  
對酒狂歌仍作客，如今誰似謝將軍。

楊松驛值霧

家杭集霧  
疑作霧

到此天真漏，凌兢復杳漫。  
危梯冰纈削，古木玉花攢。  
地逼雙丸隱，人穿一綫寒。  
回頭禹詔路，翻作故鄉看。

大雪下斗郎箐

昨日霜淞打霧淞，百蠻天地生芒角。  
山風一夜無停號，狂雪撲人若矛槊。  
斗郎箐前雪更壯，冰稜直削三千丈。  
大石凌兢介冑來，鹽虎玉龍爭倔強。  
松崩竹坼梯窞鬼，飛鳥斂翼猿噤哀。  
馬蹄登登下不下，手欲策之愁指推。  
長安城中三日雪，青綺裘披擊瑤瑛。  
如今

曉曉鬼方行失足恐墮窮陰穴遐徵豐年兆已知勞生遠道還嗟  
疑羲和整馭明晨待爲問春光先照誰家杖注自善德橋至斗郎  
山非身歷其境不知

毛口

龍眼花開蛤蚧鳴早春夾道一人行盤江更不將愁去萬壑千巖  
鬱作聲

黃廠夜聞猿聲

山邊更水邊愁雨復愁煙咽在三更後悲傳一客先昏燈浮壁動  
古樹雜風連何事天涯髮蕭蕭向此年時已殘臘未出照境

龍谿關暮行

長關穿亂石一望已銷魂窺客苗攜弩衝寒卒屬鞬雲深啼翅虎  
山逼隱雲猿向夕新添衛孤城早閉門

襄城橋

明巡撫王三善覆軍戰死於此

襄城橋上兩三家，草肆蘆簾坐處斜。  
嶺勢盤雲分百粵，江聲捲雪走三巴。  
時平久洗蛇虺窟，地險猶森虎豹牙。  
大帥失機前代事，不堪憑眺一咨嗟。

焦溪曉雪

惡嶺逼寒雪，征橈攪曉眠。  
亂杉低墜水，孤店寂生煙。  
夢破還家日，春驚作客年。  
何如狂賈島，只欲祭詩篇。

玉屏縣

萬里豪遊客，歸帆漸指東。  
臘銷灘響外，春入燒痕中。  
伐鼓臨三部，橫刀下九隆。  
從軍非往事，笑對一燈紅。

是日得青原南中書

晃州立春

兩岸人家少，那知春氣生。帆危一鳥下，石急萬鰲爭。寥落思王地，飛騰漢將營。如今無戰角，銅鼓夜猶鳴。

沅州

江作新春色，長橋駕遠波。近城山石秀，兩岸樹雲多。大酉藏書穴，龍標謫客歌。誰知牛輪月，照我出牂牁。

千卷書

長巖俯沅江，其名千卷書。鐫刻出神工，流傳自樵夫。薜蘿爲縹緲，雲霞爲倉厨。山風一下來，竹簡香吹噓。云此六丁守，雷電愁攫拏。皇古有文章，荒唐畱蟲魚。煌煌六經訓，萬世迺菑畬。箋注紛攻指，充塞勞鈔胥。豈真混沌初，精靈尙未舒。畏彼機械心，智術鑿太虛。八駿昔馱歸，二酉富其儲。遂令好奇者，過之目睢盱。我攜敝簞去，放棹歸茅廬。夙思讀未見，東觀與石渠。

響水崖

神仙豈無居鑿此絕壁險長流削瘦根萬劫青剝剝聲與風鳴于  
勢借雲飄颻欄楯態各殊鈎梯失忽奄無垠或微茫有地自舒斂  
煙霜雖剝落上下靜可點微雨洗竹色翡翠破豔潏頗聞雞犬呼  
燈火夜睽睽蜃樓在人間桃源境空掩斜陽戀去帆一一金碧閃

清浪灘

旅魂飄無時况迺絕險當江身無寸波石勢排堂皇大象羣嬉遊  
頭角迷低昂稍覺露谿舂迅流遂湯湯眾鬼各招人快此幽窟藏  
砮崖綫縷垂駭聲走雷礮激轉戾天輪爭回薄初陽餘怒噴倒灑  
流膏或丹黃時見雙翠鳥翩翩導帆檣岸有新息侯靈旗紛飄颻  
回風坎壈鼓霰落如飛霜溪毛奉明誠神其迺相望

夔子洞

枕上聞驚濤招呼走大漩披衣不敢停劈雪入萬箭陰崖天關交  
石截怒江面聲吹九地轉勢激百靈戰簸蕩得軒騰羽翼生瞑眊  
耳迷雷霆爭手擲兕獅剽茫茫洪荒風吹出客一綫厓隙多呼號  
鐵索苦攀牽匍匐乞性命吐沒戩楫見遲速自地形勞逸理則半  
勿爲翦紙錢浮生荷天眷

漁網溪

重灘盡朗州江秀山遠青迴溪深彎環一峯峙柱形冰霜削寸膚  
日月扶孤撐上有萬年樹融液舒其英潭潭翠不流合沓搖空明  
板屋百餘家隱見雞犬聲春風微暄入芳芷無言生欲洗磊砢胸  
靜讀南華經祇恐漁郎笑不得秦人迎桃源在咫尺吾思挈舟行  
除夕飲武陵學博士大北起署

斜照催殘臘連山爆不分家遙千日雪客帶百蠻雲汲井丹砂壽



堆盤苜蓿芬壯哉一樽酒今夕共論文

男姪

聲

如泰

有普孫啓

字豐

校字

裕幹

光